

天下郡國利病書卷七十一

崑山顧炎武寧人輯  
成都龍萬育燮堂訂

### 下川東道

#### 石砭宣撫司

秦屬黔中郡漢置牂牁郡晉析爲夜郎郡寰宇記夜郎郡有且蘭郡漢武時使發南夷兵征南越且蘭不從乃反漢發巴蜀校尉擊破之遂平南夷以爲牂牁郡樂史註云今涪州之義衆郡也後周於石砭地置施州唐改爲清江郡方輿勝覽施州東晉末桓元誕竄太陽蠻中築城臨施水號施王城子孫龍王至後周保定初平之以其地置施州而清江郡隸焉州乃施王之餘址故以

#### 卷七十一 四川七

一

爲名尋改爲亭州又改爲庸州又爲清江郡恭帝復置施州土夷攷唐置施州爲清江郡宋改清江爲南濱縣按唐武德二年分浦州武寧縣西界置南濱縣屬忠州也武寧今改巡檢司在司北百里外

志曰司東北百四十里有山形如張蓋俗曰石涼傘卽石幢之說也按寰宇記牂州有建安縣漢牂牁郡也有高連石門四十九頭木瓜諸山有古牂牁郡城華陽國志云牂牁郡上當天井故多兩潦今有古城在郡西卽漢未服之時所保於此有石幢關華陽國志云目蘭縣西南有地名石幢關柱蒲關漢書亦云牂牁郡有桂蒲

關石枉之名本此

志云司治南百五十里大峯門山兩崖壁立中通行人有古壘按方輿勝覽東門山在歌羅砦西北五十里東卽夜郎故地古來夷夏分界入貢之門戶也又云竹王祠在歌羅砦西北五十里東門山崇寧中賜靈惠廟額歌羅寨本夜郎縣唐置珍州乾德四年蠻酋珍州刺史田景遷內附納土以西江爲界自是酉江以北所謂夜郎縣故地盡入施州矣竹王卽夜郎侯也

勝覽又云施州驛北有馬公泉未詳志云司西北二百里外有馬頭山山頂有馬公廟祠馬伏波黃山谷處蓋

卷七十一 四川七

二

山谷入黔州安置取道施州故人慕而祠之 其封域東至黔江縣界二百里西至酆都縣界南至武陵縣界各一百七十里至忠州界百二十里編戶三里其民口而好鬪兵馬稱強間有所調遣輒踴躍赴輿地紀勝云施之地雖襍夷落猶近華風故鄉者則蠻夷巴漢言語相混其山岡砂石不通牛犁唯伐木燒畚以種五穀隆冬可單盛夏可袂矣

方輿考云施州蠻者夔路徼外熟夷蓋唐彭水蠻也咸平中施蠻嘗入寇詔以鹽與之且許其以粟轉易蠻大悅自是不爲邊患後因飢又以金銀倍實值質於官易

粟官不能禁熙寧六年詔施州蠻以金銀質米者估實  
值如七年不贖則變易之著爲令能本經制涪井事蠻  
酋田現等內附施黔北近蠻子弟精悍戰鬪趨捷朝廷  
嘗團結爲義勝軍其後瀘州涪井石泉蠻叛皆獲其用  
夢溪筆談忠萬間夷人祥符中嘗寇掠邊臣苟務懷來  
使人招其酋長祿之以券粟自後有效而爲之者不得  
已又以券招之其間紛爭者至有自陳若某人纔殺掠  
若干人遂得一券我凡殺兵民數倍之多豈得亦以一  
券見給互相計較爲寇甚者則受多券熙寧中會之前  
後凡給四百餘券子孫相承世世不絕因其爲盜悉誅

鋤之罷其舊券一切不與自是夷人畏服不復犯若  
渝州志云宋景定中蠻酋大虫馬什用同向土壁率師  
大敗元兵繼平九溪洞夷授鎮國□將軍領銅牌鐵印  
石砮安撫司大使世守其上元改石砮軍民府尋陞安  
撫使司後以生夷作亂爲定虎什用獲受賞改陞石砮  
宣撫使司明玉珍僭據時爲先納牌印授石砮安撫司  
洪武七年克授安撫使馬克用出降次年陞石砮宣撫  
管轄土民世襲隸重慶嘉靖四十二年改隸夔州土夷  
攷云施州忠路安撫司本石砮馬氏姻戚因爭邊界構  
殺不休蓋馬氏內不和於妻子外不睦於族人讎殺訐

奏動尋干戈非一日矣近又與其同知陳思虞訐奏繫夔獄中未結

經畧志云重夔二府所轄播酋石砭等土司及黔江武隆彭水忠涪建始奉節巫山雲萬等十州縣皆稱關徼與湖廣施州衛所轄散毛施南唐崖忠路忠建忠孝容美等土司之地雞鳴相聞犬牙交制宏治元年於達州設兵備副使統轄重夔黔江等地及湖廣瞿塘施州等衛所正德中藍縣作亂調各土司征勦因而覘知蜀道險易居民村落不時出沒行劫施衛官旂貪其子女財帛之遺相與表裏爲奸違例婚媾故諸夷得逞焉嘉靖

卷七十一 四川七

四

十年於黔江千戶所散毛宣撫司中界設立老鷹等三關五堡二十年川湖會題設九永守備官一員於施衛駐扎俾其爲東西省徼土夷司川湖守巡胥得節制之北史後周恭帝二年巴西人譙淹扇動羣蠻以附梁蠻帥向鎮侯向白虎等應之向五子王又攻陷信州田烏度田唐等抄斷江路文子榮復據荊州之政陽郡自稱仁州刺史并隣州刺史蒲微亦舉兵逆命詔田宏賀若敦潘和李遷哲等討破之周武成初文州蠻叛州軍討定之尋向再令賢向五子王等又攻陷白帝殺開府楊長華遂相率作亂前後遣開府元契趙剛等總兵出討

雖頗翦其族類而元惡未除天和元年詔開府陸騰督王亮司馬裔等討之騰水陸俱進次于湯口先遣諭之而令賢方增浚城池嚴設捍禦遣其長子西黎次子南王領其支屬于江南險要之地置立十城遠結岑陽蠻爲其聲援令賢率其卒固守水邏城騰乃總集將帥計進取咸欲先取水邏然後經畧江南騰言於衆曰令賢內恃水邏金湯之險外托岑陽輔車之援兼復資糧充實器械精新以我懸軍攻其嚴壘脫一戰不克更成無具不如頓軍湯口先取江南剪其毛羽然後進軍水邏此制勝之計也衆皆然之乃遣開府王亮率衆渡江旬

卷七十一 四川七

五

口攻拔其城兇黨奔散獲賊 冉承公并生口三千人降其部衆一千戶遂簡募驍勇數道分攻水邏路逕石壁城險峻四面壁立故以名焉唯有一小路緣拂而上蠻蚤以爲峭絕非兵衆所行騰披甲先登衆軍繼進備經危阻累日乃得舊路且騰先任隆州總管雅知其路蠻帥冉伯犁冉安西與令賢有隙騰乃招誘伯犁等結爲父子又多遺錢帛伯犁等悅遂爲鄉導水邏側又有石勝城者亦是險要令賢使其兄龍眞據之騰又密告龍眞云若平水邏使其代令賢處之龍眞大悅遣其子諸騰乃厚加禮接賜以金帛蠻貪利旣深仍請立効乃

謂騰曰欲翻所據誠恐人力寡少騰許以三百兵助之  
既而遣二千人銜枚夜進龍眞力不能禦遂平石勝城  
晨至水邏蠻衆大潰斬首萬餘級令賢遁走而獲之司  
馬裔又別下其二十餘城獲蠻帥并三公等騰乃積其  
骸骨于水邏城側爲京觀後蠻蜚望見輒大哭自此狼  
戾之心輟矣時向五子王猶不從命令其子寶勝據雙  
城水邏平後頓遣論之而五子王猶不從命騰又遣王  
亮屯牢坪司馬裔屯雙城以圖之騰慮雙城孤峭攻未  
可拔城若委城遁散又難追討又令諸軍周圍立柵遏  
其走路賊乃大駭于是縱兵擊破之擒五子王於石墨  
平之自此羣蠻懼息不復爲寇

## 川北

### 板楯蠻

華陽國志秦昭襄王時白虎爲害自秦蜀巴漢患之秦  
王乃重募國中有能殺虎者邑萬家金帛稱之於是夷  
胸臆廖仲藥何射虎秦精等乃作白竹弩于高樓上射

虎中頭三箭白虎常從羣虎嗔恚盡搏斃羣虎大响而死秦王嘉之曰虎歷四郡害千二百人一朝患除功其大焉欲如要王嫌其夷人乃刻石爲盟要復夷人頃田不租十妻不算傷人者論斃人者雇死俵錢盟曰秦犯夷輸黃龍一雙夷犯秦輸清酒一鍾夷人安之漢興與閬中范自從高祖定秦有功高祖因復之專以射白虎爲事戶歲出寶錢口四十故世號白虎復夷一曰板楯蠻今所謂弼頭虎子者也順桓□世板楯數反太守蜀郡趙溫恩信降服于是宕渠出九穗之禾胸臆有連理之木光和二年板楯復叛攻害三蜀漢中州郡連年苦

卷七十一 四川七

七

之遣御史中丞蕭瑗督益州兵討之連年不克天子欲大出軍時征役疲敝問益州計曹攷以計畧益州計曹椽程包對曰板楯七姓以射白虎爲業立功光漢本爲義民復除徭役但出寶錢口歲四十其人勇敢能戰昔羌數入漢中郡縣破壞不絕若線復得板楯來虜彌盡號爲神兵羌人畏忌傳語種輩勿復南行後建寧二年羌復入漢牧守遑遑復賴板楯破之若微板楯則蜀漢之民爲左衽矣前車騎將軍馮緄南征雖授丹陽精兵亦倚板楯近益州之亂朱龜以并涼勁卒討之無功大守李永以板楯平之忠功如此本無惡心長吏鄉亭更

賦至重僕役過於奴婢箠楚隆於囚虜至乃嫁妻賣子  
或自剖割陳冤州郡牧守不理去闕庭遙遠不能自聞  
含怒呼天叩心窮谷愁於賦役困乎刑酷邑域相聚以  
致叛戾非有深謀至計僭號不軌但選明能牧守益其  
資穀安便賞募從其利隙自然安集不煩征伐也昔中  
郎將尹就伐羌搖動益部百姓諺云虜來尙可尹將殺  
我就徵還後羌自破退如臣愚見權之遣軍不如任之  
州郡天子從之遣太守曹謙宣詔降赦一朝清戢按此  
蠻此道巴渠間常有之

寰宇記云漢末天下亂自巴西之宕渠還於漢中楊車

卷七十一 四川七

八

坂抄掠行旅號爲楊車巴魏武克漢中李時祖將五車  
百家歸之魏武又遷于洛陽北復號之爲巴氏也

後漢書云板楯蠻其在黔中五溪長沙間則爲盤瓠之  
後其在峽中巴渠間則爲廩君之後按杜光庭錄異記  
李時字元休廩君之後昔武落鍾離山崩有石穴二所  
一赤如丹一黑如漆有人出於赤穴者名務相姓巴氏  
有出於黑穴者凡四姓皞氏焚氏相氏鄭氏五姓偕出  
爭長於是務相約以劍刺穴能者者爲廩君四姓 著  
而務相之劍懸焉又以上爲舡彫畫之而浮水中約曰  
其舡浮者爲廩君務相舡又獨浮於是遂稱廩君乘其



土船將其徒卒當夷水而下至于鹽陽鹽水神女子止廩君曰此魚鹽所有地又廣大與君俱生可止無行廩君曰我嘗爲君求廩地不能止也鹽神夜從廩君旦轍去爲飛虫諸神皆從其飛蔽日廩君欲殺之不可別又不知天地東西如此者十日廩君卽以青縷遣鹽神曰嬰此宜之與汝俱生不宜將去汝鹽神受而嬰之廩君至碭石上望膺有青縷者跪而射之中鹽神鹽神死羣神與俱飛者皆去天乃開元廩君復乘土舡下及夷城夷城石岸曲泉水亦曲望之如穴狀廩君歎曰我新從穴中出今又入此奈何岸卽爲崩廣三丈餘階級相

承廩君登之岸上有平石長五尺方一丈廩君休其上投策計算皆者石焉因立城其旁而居之其後種類遂繁秦并天下以爲黔中郡薄賦斂之歲出錢四十萬巴人呼賦爲賔因謂之賔人也王維送李梓州詩賔女輸潼布本此獠蓋南蠻之別種初出自梁邑之間自漢中達於邛笮川洞之間所在皆有俗多不辨姓氏又無名字往往推一酋帥爲主亦不能遠相統攝父死則子繼若中國之貴族也獠王各有鼓角一雙使其子弟自吹擊之按蜀本無獠李勢時諸獠始出巴西渠川廣漢陽安資中犍爲梓潼山谷間十餘萬落攻破郡縣爲益州

大患自桓元破蜀之後力不能制又蜀人東流山間之地多空獠在挾山傍谷與夏人叅居近者頗輸租賦在深山者仍不爲編戶至梁武帝梁益二州歲歲罰獠以自裨潤公私頗籍爲利厚焉後魏正始初梁將夏侯道遷居漢中附魏魏遣尙書邢巒爲梁益二州刺史以鎮之其後以梁益二州控攝險遠乃立己州以統諸獠後以巴酋帥嚴始興爲刺史又立隆城鎮管獠二十萬戶所謂北獠是也歲輸租賦魏明帝孝昌中據城叛梁益二州遣將討之攻陷巴州執始興斬之從梁分入益自此又屬梁矣後周武帝平梁益之後令所在撫慰其與

華人雜居者亦頗從賦役然天性暴亂故致擾勤每歲命隨近州鎮出兵討之獲其克人以充賤隸謂之壓獠焉復有商旅往來亦資以爲貨公鄉逮於民庶之家有獠口者多矣然其衆類滋蔓保據岩壑依林走險若履平地性又無知殆同禽獸諸夷之中最難以道義招懷也依樹積木以居其上名曰干欄干欄大小隨其家口之數好相殺害仇怨多不敢遠行性同禽獸至於忿怨父子不相避惟手有兵刃者先殺之若殺其父走避於外求得一狗以謝其母然後敢歸母得狗謝不復嫌恨若報怨相攻擊必殺而食之遞相刼掠不避親戚賣豬

狗而已亡夫兒女一哭便止親戚比隣指授相賣避賣者啼叫不服逃竄避之乃將買人捕逐若亡叛獲便縛之但經縛者卽服爲賤隸不敢更稱良矣執盾持力不戢弓矢用竹爲簧羣聚鼓之以爲音節能爲細布色至鮮淨大狗一頭一生口性尤畏鬼所殺之人美鬚髯者必割其面皮籠之子箝及燥號之曰鬼鼓舞祀之以求福利俗尙淫祀至有賣其昆季妻帑盡者乃自賣以供祭焉鑄銅爲器大口寬腹名曰銅皿焚甚薄且輕易於熟食酉陽雜俎獠婦七月生子死則堅棺埋之木耳夷舊牢西好鹿角爲器其死則屈而燒之埋耳後小骨類

卷七十 西川七

十一

人黑如漆小寒則括沙自處但出其面焉 博物志曰蠻國論云蜀中本無獠晉末李雄之亂山谷洞中攘攘而出轉之慚大自爲夫婦而益多夫土乾則生蚤地溼則生蚊積穀則生蠹腐肉則生蛆蛆化爲蠅蠅又自生蛆蛆又化生蠅豈有窮乎

天下郡國利病書卷七十一終